



Kattusseqatigiit Partiiat

10 august 2009

UKA 2009/80

Inatsisartut Suleriaasianni § 36, imm. 2 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut: Naalakkersuisut qanoq suliniuteqarpat qaleralinnik mikivallaartunik qalluisarneq pinaveersimatinniarlugu ? Aammalu qanoq suliniuteqassamaarpat?

(Inatsisartunut ilaasortaq, Jakob Skade, Kattusseqatigiit Partiiat)

Tunngavilersuut:

Inatsisartut ukiakkut ataatsimiinneranni 2007-imi aalajangigassatut siunnersuut qaleralinnik mikivallaartunik qalluisarnermut tunngasoq sammeneqarpoq. (EM2007/148). Aalisarnermut, piniarnermut nunalerinermullu ataatsimiititaliap tamatumunnga isumaliuutissiisutaani erserpoq Naalakkersuisut tamatumani piaartumik suliniuteqarnissaat naatsorsuutigineqartoq, tassani alloriarnissaq pisarialik misissuititsinikkut periarfissaq, avataasiorluni qaleralinniarnermi qallukkanik immikkoortiterissutip atorneqarsinnaanera, ujartorneqarluni. **Kattusseqatigiit Partiiata** misissuititsinerup inerneru Naalakkersuisuniit saqqummiunneqassasut piumasaraat, tamatumani ilanngullugu misissuititsineq aallaavigalugu aalajangiinerit, aalajangiisoqarsimassappat.

Sinerissap avataani qaleralinniarnermi piniutit atorneqartut piujuaannartitsinissamut naapertuunnerusunngorlugit aaqqissuunneqarnissaat pisariaqartoq aalisartunit paasissutissiisutiginetartarpoq, tassa tusagassiuutitigut aammalu aalisartut nalunaartarnerat naapertorlugu, avataasiorluni qaleralinniarnermi ilaatigut 300 gram-itut angitigisut tunisassiarineqartartut nalunaarutigineqartarmata.

Kattusseqatigiit Partiianiit qaleralinnik taama mikitigisunik tunisassiortarnek akuersaanngilarput aamma piujuaannartitsinissamik anguniagaqarnermut naapertuutinnngimmat, taamaattumik sinerissap avataani qaleralinniarnermi piniutit atorneqartut piujuaannartitsinissamik siunertamut naapertuuttumik aaqqiivigineqarnissaat ujartorparput.

Taamatut apeqquteqarneq soorunami aamma tunngaveqarpoq; sinerissap qanittuani qaleralaqarfiit avataaniit pilersorneqartut uumasunik ilisimatuunit paasissutissiisutiginetartarmata.

Taamaammatt sinerissap qanittuani aamma qaleralaqartuaannarnissaa qulakkeerumallugu avataani qaleraleeqqat piniapilunneqarnerisa killilerneqarnissaa matumuuna piumasaqaatingaarput.